

Die 21 Iulii
S. Ieremiæ, prophætæ
 Memoria

Ant. ad introitum

Ier 23, 3-4

Ego congregábo reliquias gregis mei, de ómnibus terris,
 et suscitábo super eos pastóres, et pascent eos.

Collecta

Deus, qui pópulum tuum per os Ieremiæ prophætæ,
 ad pæniténtiam misericórditer vocásti,
 ab ómnibus nos própítius absólve peccátis,
 ut, quod nostris offensióibus promerémur,
 tua indulgéntia repellátur.
 Per Dóminum.

LECTIO PRIOR (propr.)

« Priusquam te formarem in utero, novi te »

Léctio Ieremiæ prophætæ

1, 4-10

In diébus Iosíæ :

Factum est verbum Dómini ad me dicens: « Priusquam

te formárem in útero, novi te; et ántequam exíres de vulva, sanctificávi te et prophétam in géntibus dedi te ».

Et dixi: « A, a, a, Dómine, Deus, ecce néscio loqui, quia puer ego sum ».

Et dixit Dóminus ad me: « Noli dícere: Puer sum; quóniam ad ómnia quæ mittam te ibis, et univérsa quæcúm-que mandávero tibi loquéris. Ne tíneas a fácie eórum, quia tecum ego sum ut éruam te » dicit Dóminus.

Et misit Dóminus manum suam, et tétigit os meum, et dixit Dóminus ad me: « Ecce dedi verba mea in ore tuo; ecce constitui te hódie super gentes et super regna, ut evéllas et déstruas, et dispérdas, et díssipes et ædífices et plantas ».

Verbum Dómini.

PSALMUS RESPONSORIUS

Ier 17, 7-8 (R. Lc 11, 28)

R̄. Beáti qui áudiunt verbum Dei et custódiunt illud.

vel

R. Ier 31, 3

R̄. In caritáte perpétua diléxi te.

1 Benedictus vir, qui confídit in Dómino,
 et erit Dóminus fidúcia eius;
 et erit quasi lignum, quod transplantátur super aquas,
 quod ad humórem mittit radíces suas,
 et non timébit cum vénerit æstus. R̄.

2 et erit fólium eius víride,
 et in témpore siccitátis, non erit sollicitum,
 nec aliquándo désinet fácere fructum. R̄.

ALLELUIA

Ier 1,5

R̄. Allelúia. V̄. Priúsqvam te formárem in útero, novi te;
et ántequam exíres de vulva, sanctificávi te,
et prophétam in gentibus dedi te.
R̄. Allelúia.

EVANGELIUM

« Si cognovisses quæ ad pacem tibi ! »

✠ Lécio sancti Evangélii secúndum Lucam 19, 41-44

In illo témpore :

Ut appropinquávit Iesus Ierúsalem, videns civitátem fle-
vit super illam, dicens : « Si cognovisses et tu in hac die
quæ ad pacem tibi nunc autem abscondita sunt ab óculis tuis.
Quia vénient dies in te, et circúmdábunt te inimíci tui vallo
et obsidébunt te et coangustábunt te úndique, et ad terram
prostérnent te et filios tuos qui in te sunt, et non relínquent
in te lápidem super lápidem, eo quod non cognóveris tem-
pus visitatiónis tuæ ».

Verbum Dómini.

vel « Ierusalem, quæ lapidas Prophetas qui ad te missi sunt »

✠ Lectio sancti Evangélii secúndum Matthaéum 23, 37-38

In illo témpore :

Dixit Iesus Pharisaeís : « Ierúsalem, Ierúsalem, quæ oc-
cídís Prophétas et lápidas eos qui ad te missi sunt, quóties
vólui congregáre filios tuos, quemádmódu[m] gallína cóngregat
pultos suos sub alas, et nolúistis. Ecce relínquitur vobis do-

mus vestra desérta. Dico enim vobis. Non me vidébitis ámo-
do donec dicátis : Benedictus qui venit in nomine Dómini ».

Verbum Dómini.

Super oblata

Præsta quæsumus, omnipotens et miséricors Deus,
ut hæc salutáris oblátio, deprecatióne beáti Ieremíæ Prophétæ,
fámulos tuos et a própriis reátibus indesinéter expédíat,
et ab ómnibus tueátur advérsis.

Per Christum.

Ant. ad communionem

Ier 31, 3

In caritáte perpétua diléxi te; et ideo attráxi te míserans.

Post communionem

Deus qui per hunc panem vitæ
a peccáti vínculo fámulos tuos liberásti,
éorum étiam corda míserans sic átrahe,
ut numquam a te separári permíttas,
quos in caritáte perpétua dilexísti.
Per Christum.

Die 29 Iulii

Ss. Lazari, Marthæ et Mariæ, hospitem Domini

Memoria

Ant. ad introitum

Lc 10, 33

Intrávit Iesus in quoddam castéllum, et múlter quædam Mar-
tha nómine excépit illum in domum suam.